



Broj: 0101-5608-7-1/19
Sarajevo, 18.07.2019. godine

Na osnovu člana 69. stav (3) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog postupka javne nabavke robe – nabavka Laboratorijska saobraćajna oprema i softver, na preporuku Komisije za javnu nabavku broj: 0101-5608-6/18 od 11.07.2019. godine, rektor je d o n i o:

ODLUKU

o poništenju postupka javne nabavke robe - Laboratorijska saobraćajna oprema i softver (LOT 2)

Član 1.

Prihvata se preporuka Komisije za javnu nabavku broj: 0101-5608-6/19 od 16. 07. 2019. godine i postupak javne nabavke robe - Razni programski paketi i kompjuterski sistemi LOT 2, SE PONIŠTAVA, iz razloga što postoje dokazani razlozi koji su izvan kontrole Ugovornog organa, a koji se nisu mogli predvidjeti u vrijeme pokretanja postupka javne nabavke, definisano članom 69. stav (3) Zakona o javnim nabavkama Bosne i Hercegovine („Službeni glasnik BiH“ broj: 39/14).

Član 2.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

O b r a z l o ž e n j e

Na osnovu Odluke o pokretanju postupka javne nabavke broj: 0101-5608-3/19 od 21.06.2019. godine, Univerzitet u Sarajevu je pokrenuo postupak javne nabavke robe – nabavka laboratorijske saobraćajne opreme i softvera, za dva lota, od kojih je LOT 2 (Razni programski paketi i kompjuterski sistemi)

Za provođenje postupka predmetne javne nabavke, Odlukom broj: 0101-5608-2/19 od 21.06. 2019. godine, imenovana je Komisija za javnu nabavku u sastavu: Lejla Dizdarević, predsjedavajući, Mirza Berković, član, Adnan Omerhodžić, član, Edvin Šimić, član i Osman Lindov, član, a za zamjenske članove su imenovani: Belma Memić, Adisa Hasković i Muhamed Begović.

Obavještenje o nabavci broj: 999-1-1-64-3-55/19 objavljeno je na Portalu javnih nabavki dana 21. 06. 2019. godine i Službenom glasniku BiH br.44 od 28.06.2019.godine.

Iz Zapisnika Komisije za javnu nabavku je vidljivo da u periodu koji je ostavljen za dostavljanje ponuda, nije bilo pitanja upućenih Ugovornom organu putem sistema e-nabavke.

Komisija za javnu nabavku je dana 11.07.2019. godine u 10,15 sati izvršila javno otvaranje blagovremeno prispjelih ponuda. Na javnom otvaranju ponuda nije bilo prisutnih predstavnika ponuđača. S obzirom da je zaprimljena jedna ponuda Komisija za javnu nabavku je dana 11. 07.

2019. godine, započela svoj rad, a radi pregleda i ocjene ponude, odnosno da bi utvrdila da li je ponuđač Telnet d.o.o. ispunio uslove iz člana 45. do 49. Zakona o javnim nabavkama koji su traženi Tenderskom dokumentacijom, kao i da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije i da li su kvalifikovani za vršenje predmetnih usluga.

Komisija je utvrdila sljedeće: ponuđač Telnet d.o.o., Stupska bb 71210 Ilidža je dostavio ponudu za LOT 2 - Razni programski paketi i kompjuterski sistemi). Komisija je utvrdila da je ponuda ponuđača Telnet d.o.o. tehnički zadovoljavajuća, te je pristupila računskoj provjeri ponude.

Ponuđač Telnet d.o.o. je u svojoj ponudi naveo ukupnu cijenu sa PDV-om, iako je Ugovorni organ na strani 37. TD naveo napomenu da će ponuđačima biti dostavljena potvrda kojom se oslobađaju plaćanja uvozne carine i PDV-a. Komisija je ovu grešku ponuđača ocijenila kao tehničku grešku koja bitno ne utiče na donošenje odluke.

Komisija za javnu nabavku je cijeneći činjenicu da ne postoji tehnička mogućnost isporuke robe (Razni programski paketi i kompjuterski sistemi - LOT 2) bez prethodne isporuke robe navedene u LOT 1 utvrdila da su ispunjeni uslovi za poništenje predmetnog postupka i predložila rektoru Univerziteta u Sarajevu donošenje odluke o poništenju postupka javne nabavke iz razloga utvrđenih članom 69. stav (3). Zakona o javnim nabavkama Bosne i Hercegovine („Službeni glasnik BiH“ broj: 39/14)

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor


Prof. dr. Rifat Škrijelj

Dostaviti:

1. Telnet d.o.o., Stupska bb 71210 Ilidža
2. Služba za finansije i računovodstvo
3. u dosje javnih nabavki
- ④ web stranica UNSA
5. a/a

Prilog: Zapisnik o pregledu i ocjeni ponuda